

مدیر مرخص

الهامی صفا

اداره خانه

ایستانبول . جفال اوغلنده دائره اجتهاد
Adresse: Idjtihad Constantinople

نومرو ۶۸ — ۳۰ مایس ۱۳۲۹

الاجتهاد

آبونه

سنه لك آلتی آیلق
تورکیا ایچین ۴۰ غروش ۲۵ غروش
ممالك اجنیه ایچین ۱۰ فرانق ۶ فرانق

نسخه سی ۵۰ یاره

دوردنجی سنه

حریت فکریه یه خادم ، پنجشنبه کونلری چیقار ، اقتصادی ، اجتماعی ، ادبی مجموعه

وسطی اوله رق یومیه سی ۳-۲۰۵ فرانسی کچمین
فرانسز قادینی، قیزی، ضرورت معیشتله، اوت بو
کلمده بتون قوتله اصرار ایدرم، مجبورت و ضرورت
حیاتله، فحشیاته کندینی آتور. رسمی استاتستیک،
بر سنه ده یالکز نیورقه ۵۰۰,۰۰۰ فرانسز قیزینک،
محضا فحشیات ایچون کلدیکنی کوستریور. نیورقه ده
بونلرک، آلمان، ایتالیان، ژاپون، چین ولهلی فاحشه لرک
اقامت ایتدکاری محله «فرینچ کیلس» فرانسز قیزی
نامیله توسیم ایدیلور، طبیعیدرکه بو حال، غرورمز
دوقونور، موجب افتخارمز اوله مز. حاکمیت عامه یه مستند
ده موقرات ممالکده وبالخاصه مملکت مزده قادین، منتخب
اولامادینی و بناء علیه هیچ بر نفوذ اجتماعیه مالک اولمدینی
ایچون حق، حقوقی امال ایدیلور. مجالس تشریعیه جه،
حکومتجه؛ شکواسی، صوتی ایشیدلمز اولور.

قادینک بقای جنسی ایچون قاتلانیدینی والدلهک، بزی
حرمت و رعایته، بلدیهمجالسنه اولسون اعضا انتخاب ایتمک
اولنلق حقنی طانیغه اجبار و سوق ایتسه کرک!

یوقاریده کی سوزلر، طوتدیغم نوطلردن، پک ملخص
اوله رق آلدیغم یوقاریده کی سوزلر بو خصوصده غزنه ستونلرینه
کچن بومی وقوعات، اوتوز بوقدر سنه دنبری چکدکارمز، بدن
عثمانی انصافسزجه پارچه لایان، پارچه لیمسنه سیبیت و یرن حاللر
انظار انتباهمزی، بصر بصیرتمزی آچلی، قانغران حاله
کلش، دائما بقید قالدیغمز اجتماعی یارلر مز، متخصص
برطیب اجتماعی حذاقیده ارتق تشخیص و تدایو ایتلی یز،
قانونک؛ بر زمان معینده جمعیتک قساعت وجدانیه سی
اولدیغی بیلهرک، ادراک و تقدیر ایدرک، ابدی، منسوخ،
مردود معتقدات و قواعددن صیرلملی، صیرلمغه؛ ناجی
چاره لر، واسطه لر آرا مل یز. افراد کی ملل واقوامک،
دولت لردده طرز حیاتی، شرائط اجتماعیه سنی، ایجابات
زمانه، توفیقه، تجدیدات و مخترعاتی تمثیله مجبوریتلرنی،
مجبوریت قطعیله لرینی بیللم، اکا ایمان ایدم. دولتمز،
ملت مز، بو حقیقتی ادراک ایتدکجه، بوقابلیتی اظهار ایتدکجه

موقعنی، حاکمیتی، معاذاه مقتدرلره قابلیتیلره دایما ترکه
مجبور اولور.

بناء علیه هر یرده، هر طبقه مخلوقاتده حکمنی دائما
اجرا ایدم کلن بوقهارقانون طبیعتک مغدور حکمی اولمامغه
استعداد و قابلیت کوسترم، شرائط اجتماعیه مز، عصر
حاضر ایجاباتیله توفیق و بوضورتله رشد مز، اهلیتمزی
اثبات ایتمک صورتیله اوروپانک انصافسزجه محکومیتی
اوزرمزدن آتم.

پارس ۱۰ مایس ۱۹۱۳

سلمانه عنبر

اسلامیت قارشیسندنه ملیتلر

ترکک

مملکت مزک الک زیاده متضرر اولدینی اسبابدن برینی ده
- بلکه اک مهمنی - آکلاشه مامازلر تشکیل ایدور.
(آکلاشه مامازلر) ده بتون افعال و حرکات مزک ناظم
مطلق اولان اداره مصلحت و یارینی دوشونه مملک
مرضنک بر نتیجه سیدر. هیچ بروقت مملکت مزک مقدراتی
اداره ایدن (اسلامیت، تورکک، عثمانیلر) کی اوچ
بویوک وقعه اجتماعیه یی علمی و حیات مادییه مطابق
بر صورتده تعریف ایدوب هر نوع قیل و قالی قطعی
صورتده اورته دن قالدیرمه یی دوشونمک یا خوددوشونه مدک،
بو اوچ کلمه نک معانیسنی زمان زمان ایتدیکمز کی تحریف
ایتدک. صمیمی بر صورتده اسلامیت، تورکک،
و عثمانیلرک حدودلرنی چیزوب وظائف و حقوق
مقابلیه یی تعیین ایتیه اصلا آرزو ایتدک. چونکه، بر
طرفدن سطحی دوشون ملیت پرور تورکک بوحوددولرک
تعیینتی کندی منافع قومیه لرینه مغایر بولویورلر، دیکر
طرفدن مسلمانلرک غیر قابل تقسیم برکل واحددن عبارت
بولوندیغی و (دین و ملت بردر) نظریه سنک اساسات
اسلامیه دن اولدیغی ایلری سورنلرده موضوع بحث اولان
مسئله نک دینه مغایر، بناء علیه غیر قابل حل اولدیغی

مركز دینی اوملقدن زیاده برر محفل ملی اولدقلری هر کسجه معلومدر. نهایت کزیده قالان خرستیان ملتیرده مکتبدن، کلیسادن آلدقلری ملی درسلدن استفاده ایتدیلر؛ محیطه، عصره کوره ایشلرینه کلن قوانین اجتماعی بی تنظیم ایدهرک بو کونکی مرتبه واصل اولدیلر. بزده ایسه هر (یکی شی) دینه مغایر عد ایدلرکی ایچون مسلمان قوملر بویکی ملتیت سلاحیه مجهز اولامدیلر؛ ملتیتی تقسیم اعمال شکلنده تلقی ایدوب اسلامیتک لهنه اوله جغنی دوشونه جک یرده، انقسام قوا شکلنده تفسیر ایتدیلر. عینی قوانین اجتماعی ایله، اسکی سلاحلر ایله قیامته قدر راحت راحت یاشامه نك ممکن اوله جغنی خیالنه قایلدیلر. مختلف عرقلره منسوب مسلمانلر دیناً قارداش اولدقلری حالده - افرادده اولدینی کبی - کیسه لرینک آیری اولدیغنی تصدیق ایتک ایستمدیلر. کیسه لر یغنی منافع اختلافاتنک حسیاتله دکل پاز ارقله حل ایدیله جکی نظر اعتباره آلدیلر. دینی قازداشلغکده برحدی اولوب اونوی تجاوز ایتهمک ایجاب ایتدیکی کیسه نك خاطرینه کلدی. برطاقم حادثات اجتماعی نتیجه سی اوله رق بر آراده یاشامه مجبور اولان اقوام اسلامیه نك حقیقی بر صورتده آکلاشمه لری منافع مشترکه ایجاباتندن اولدینی حالده، فغالک ملتیرک موجود اولمه لرندن ایلری کلدیکی ظن ایدلدی. نهایت بو طبیعی تشکیلاتی اورته دن قالدیرمغه تشبث ایدرک اوطوردیغمز یردن (دین وملت بردر) نظریه سنک اسرار انکیز خاصه لرندن استمداد ایتدک. افرادده بر عزت نفسی، دیکر لرینه قارشى بر موقع رجحان تأمین ایتک حسی موجود اولدینی کبی اقوام ده ده مشترک منافع برده (بنلک) واردر. آنجق مادی وسائطله بو رقابت مشروعیتی محافظه ایدهرک آنارشى به منجر اولماز.

اساساً پك اسکی وطیعی تشکیلات و منافع مالک اولان ملتیر قولای قولای بیقیله مازدی. فی الحقیقه: کره ارضک اوزرنده بشرک ظهوری دقیقه سندن اعتباراً

ادعا ایدورلردی. سیاسی عثمانلیلقده ملتیت مسائلی (مركزیت وعدم مركزیت) وادیسنه دوکهرک ویاخود اوظنی ویره رک هر ج ومرجی برقات ده تشدید ایلشدر. شیمدیلک یالکز اسلامیت وملتیرک یکدیگرینه قارشى اولان وضعیتلرینی تعیین ایتمه چالیشه جغم.

اولا اقوام خرستیانییه سطحی برنظر عطف ایدهم: اونلر مسئله بی چوقدن حل ایتشلردر. فی الواقع خرستیانلر کلیسا ایله اولان رابطه لرینی قطع ایتدیکلری کبی، هر برینک برطاقم منافع مشترکه مالک برر هیئت اجتماعی دن عبارت اولدقلرینی تصدیق ایدهرک، کلیسیایه قارشى اولان وظائف ایله کندی ملتیرینه قارشى اولان وظائف پك کوزل تحدید ایلشدر. بو تقسیم وظائفدن خرستیانلغک منافع عمومیه سنه خلل کلمه مکله برابر خرستیان فردلر و بوفردلرک تشکیل ایتدیکلری جماعتلرده آیری آیری کندی منافعی نظر اعتباره آلمقدن برآن فارغ اولیورلر. فی الواقع زمان زمان کلیسا، خرستیانلق نامنه ملتیری بلع وتمیل ایلدکه قیام ایتمش ایسه ده، تشبثاتی غیر طبیعی اولدینی ایچون عقیم قالمش واسکی نفوذینده غائب ایتک تهلکه سنه دوچار اولمشدر. ایشته بوکبی اسبابه منی، کلیسانک مقدراتی اداره ایدنلر مسلک لرینی تعدیل ایلدکه مجبور اولمشلردر. وقیله وظیفه لری یالکز اساسات دینییه نك تلقیندن عبارت اولان رهبان، زمانک بالجله تحولات اجتماعیه سنی نظر اعتباره آلمغه مجبور اوله رق دینده نه قادر تعصب کوستردیلر سه، ملتیت خصوصنده ده اونسبتده متعصب کیسه لمشلردر. (زمان سکا اویماز سه سن زمانه اوی) حقیقته کوره حرکت ایتدیکلری تقدیرده هم کندی نفوذلرینک صارصیله جغنی تاریخدن اوکرنمشلر، هم ده ملتیرینک، یکی حسیاتله مجهز اولان دیگر ملتیره قارشى مقاومت ایدهمیه جکی تصدیق ایلشدر. اوصورتله که، پاپاسلرک جولانکاهی اولان کلیسانلر بوملی جریانک انتشارینی عادتاً تسریع ایلشدر. هله مملکت مزده کی متعدد کلیسالرک برر

ملتیرك طبعی بر صورتده تشكیل ایدہ جككری بدیی ایدی. كره ارضك مختلف نقطه لرندہ بولونان انسانلر موانع طبعی بی سهولتله مرور ایدہ رك یكدیكر لریله مناسب ایدہ بولونه مدقلری ایچون طاغلر، نهرلر، وادیلر ك تحدید ایتدیكلری بر ساحه اوزرنده یاشامق مجبوریتده قالمشدر. اقلیمك ودها بر طاقم عواملك تأثیر یله بویله بر ساحه اوزرنده یاشایان انسانلر بر چوق خصوصیتلرله دیگر بر ساحه اوزرنده یاشایان انسانلردن فرقلی اولمشدر. لسانلر، عادات، سجایا بو خصوصیتلر ك اكمهملرنددر. بوانسان كتله لری جماعت حالده یاشادقلری ایچون آرلرنده برنوع (تكافل اجتماعی Solidarité sociale) حصول بولمشدر. منافعلری مدافعه، یاخود یكی منابع ثروت تدارك ایتك ایچون كندیلرندن فرقلی اولان دیگر انسان كتله لریله مجادله و مقاتله بی غایت طبعی و كندی قوانینجه مشروع عد ایدرلردی. بالاخره عینی خصوصیتلرله مالك اولان بوانسان كتله لری ده نام دیگرله ملتیرده منافع ماده الله ایدہ بیلیمك اندیشه سیله بر چوق قسملرله آیریلهرق یكدیكر لریله مجادله ایتك فرصتی اصلاً قاجیرمادیلر. معلوم اولان ادیان ده غرقلری بوحالده بولمشدر. دینلر ك كافه سی حسن اخلاقی، اخوتی امر ایتكله برابر قوملر ك طبعی اولان خصوصیتلرینه عارض ایكنجی بر خصوصیت علاوه ایتدیكی ایچون مجادله و مقاتله بتون شدتله دوام ایتدی. ادیان عینی عرقه منسوب افراد آراسنده بر چوق تفرقه لرك ظهورینه سببیت ویردی.

دینی مجادله لرده منافع ماده لك بویك بر رول اوینادینی غیر قابل انكاردر. اسلامیت ده كاه زمانك اعتقاداتی ده معقول بر طرز افراغ ایتدیكندن كاه فتوحات و غنائم نشئه سنك توصیه ایتدیكی سرمستیدن استفاده ایدہ رك سرعتله انتشار ایتدی. فی الواقع مسلمانلق یالكرز اعتقاددن عبارت اولیوب بر طاقم قوانین اجتماعی ده جامع بولوندیغدن بوحال دینك انتشارینی تسریع ایتدیكی كی بر طاقم مشترك حسیات و عنعنله مالك بر هیئت

اجتماعیه لك حصولنده یارديم ایتدی. هر تقدیر اسلامیتك بر طاقم قوانین اجتماعی بی جامع بولونماسی دینك انتشارینی تسهیل ایش ایسه ده بالاخره زمانك ایجاباتی اولهرق - اعتقاداتی دكل - مذکور قوانینی تعدیل ایلمه و یاخود یكی قوانین احداث ایلمه قیام ایدیلنجه مشكلات باش كوستردی. انسانلر ك طبعاً محافظه كار اولدقلری غیر قابل انكاردر. كندیلرینك یادقلری قوانینی بیله قولابلقله تعدیل ایدہ میورلر. ایشته بوكی اسبابه منی قوانین اسلامیه لك احتیاجات عصره كوره تعدیللرینی و یاخود تفسیرلرینی ایلری سوره جك قدر جسارت مدنیه ابراز ایدنلر تكفیر ایدیلر. ناملری، دین خائی، اسلامیت دشمنی اولهرق خواصدن عوام طبقه سنه وارنجه یه قدر یاییلدی. بوصوله عصرده كی فلاكتلریمز ك اكمهم عامللرینی، هر نوع اصلاحات ملییه، دین نامنه وقوع بولان مداخلتده آراملیدر. عجباً اسلامیتك وضع ایتدیكی قوانین اجتماعی اختلافاتی منع ایدہ بیلیمی؟ دین اخوتی، اتحادی قطعی بر صورتده امر ایتدیكی حالده فردی، اجتماعی مجادله لرله نهایت ویره بیلیمی؟... اصلاً...

تاریخ بزه اثبات ایدیور كه منافع ماده - كه اسلامده موجود عمومی بر عنعنیه كوره اهمیتی اولمیدینی ادا ایدیلور - یوزندن یكدیكر لریله مجادله ایتش اقوام اسلامیه بك چوقدر. قومی خصوصیتلر ك تولید ایتدیكی ضدیتلرله منافع ماده ده انضمام ایدنجه اختلافلر كسب شدت ایتمشدر (دین و ملیت بر در) دیمكه طبعی اولان قومی خصوصیتلر قالمماز. منافع ماده لك تصادمندن وقوعه كلن منازعلر ایسه قیامته قدر باقیدر. اونوتوملی كه فردلر ك وبوفر دلر ك تشكیل ایتدیكی قوملر ك منافعی قارش قارشیه كلدیكی زمان دینك اخوته استناد ایدن امرلری و یاخود عصر ك احتیاجاتی نظر اعتباره آلمان قانونلر اختلافاتی حل ایدہ میور. آنجق عقلی وزمان و حادثاته مطابق بر صورتده یاییله حق قوانین و مقاولات فردی، اجتماعی اختلافاتی اوكنی آله بیلیر.

فقط یکدیگر میز قارشی اولان عدم امنیت، دین تعصبندن هنوز قور تولمەدن، و بوتعصبندن باشمزه کلنلری اونوتەرق در حال عصیت ملیه ویردی کمز یا کلش جریان، هله اومشهور اولان لاقیدیمزده انضمام ایدنجیه بومهم مسئله یی غیر قابل حل بر درجه یه کتیردک. اعتراف ایدەلم که بو آکلاشاممازلقلردن اک زیاده متضرر اولان تورک عنصری اولدی.

بالخاصه عناصر اسلامیه آکلاشمیلی ایدی. مطبوعات تورکلکی، اسلامیتی، عثمانلیغی هرج و مرج ایدەردک هیچ کیسه یی نمون ایدەمدی.

مثلاً تورک عربیه: «سنکله دین قارداشی یز، قوملریمز بر چوق خصوصیتلرله یکدیگرندن فرقلی اولقله برابر بر چوق خصوصلرده مشترک حسیاته، مشترک منافعە مالکیز، شیمدی یه قدر دینیزک مقدراتی نا اهل اللردن تخلیص ایدەمدیکمز ایچون آوروپالیرک وبتون خرستیاندلرک (اسلامیت مانع تر قیدر) اتهامی فعلاً تکذیب ایدەمیه جک قدر سقوط ایتدک. مادامکه بویوک اسلام عالمه سنه منسوبز، اونی اصلاح ایتک اونک منافعنی کوزتمک وظیفه مزدر. دیگر طرفدن سنکده، بنمده کندی ملیتمزه قارشی بر طاقم وظیفه لریمز وار، اوظیفه لری حسن صورتله ایفا ایدرسهک ملیتمیز قوت بولور و بو مختلف اقوام اسلامیه قوتلرینک محصله سی ده اون اوچ عصر دنبری مدافعه سنی درعهده ایتدیکمز هلاک استنادکاهی تشکیل ایدر. عرب قارداش، اونوتمه که .. یکرمنجی عصرده صلیب نامنه اعلان حرب ایدەجک حکمدارلر موجود اولدینی کبی اونک بو حرکتی آلقیشلایان وظاهرده دینسز فقط حقیقته صلیب محبی مدنی ملترده اکسیک دکلدرد.

ایشته بو نقطه ده کی اتحادیمز پک قوی اولمیدر. عکس تقدیرده ایکیمزده فلاح یوقدر.

منافع مشترکه مز بوندن ده عبارت دکلدرد. اقتصادیاتده اتحادیمز الزمدر. چونکه اسلام دنیاسنک یکی مهم عنصری

کوچوک مسئله لرده بیله یالکیز اخوت اسلامیه نک غیر کافی اولدیغنی شخصنده تجربه ایدنلر، نصل اولیورده قوملر اختلافی - که ده مغلقدر - جف القلم (اخوت اسلامیه) empirique بر دستورله حل ایتک ادعا سنده بولونویورلر. (دین وملت بر در) اساسنی وضع ایدەردک ملیت مسئله لرینی قالدیره جقلرینی، آرتق ایداً اسلامیتک زیر جناحنده قارداش، قارداش یاشامه نک ممکن اوله جغنی ایتری سورنلر یامسئله یی پک سطحی اوله رق تتبع ایوب حسیاته مغلوب اولانلردر و یاخود تمیلرینی حقیقت کبی تلقی ایدنلردر.

اگر انسان کبی دوشونمک ایجاب ایدرسه (وطن روی زمین، ملت نوع بشر) دیمک ده علوی، ده افضلدر. هیهات که انسانلر هیچ بروقت قارداش قارداش یاشایه میه جقلردر. چونکه فردلرک و جماعتلرک خلقة مبتلا اولدقلری égoïsme خودبینی علتی تماماً تداوی ایتک غیر قابلدر. بناء علیه اختلافلر دائماً موجود اوله جقلدر. یالکیز (آکلاشمه)، متقابل فداکارلقلر سایه سنده نسبی بر صلح وسعادته مظهر اولمق قابلدر.

عجبا طینتلر و اسلامیتک منافی دائماً یکدیگرینه مخالفیدر؟

هر ایکسینک حدودلرینی چیزه رک بر خط وصل بولمق وظائف و حقوقی بر اصوله ربط ایتک ممکن دکلیدر؟. وظیفه لر و حقوقلر تعین ایتدکن صوکره مثلاً بر تورک بر عرب .. الخ ملیتی؟ (خائن وطن)، (دین دشمنی) لقبلرینه دوچار اولمایه رق اعلان ایدەمز می؟ .. و بوندن کرک ملیتلر، کرکسه اسلامیت مستفید اولمازمی؟

امنیت متقابله ایله چالشه رق اعتقادات باطله دن، خرافاتدن عاری اولان حقیقی دینی سقوط ایتدیکی اوچور و ملردن تخلیص ایتک ممکن دکلی؟ دینک پک کثیر اولان وسائطندن استفاده ایدیلره رک اقوام اسلامیه نک حیات اجتماعیه سی تنظیم اولونمازمی؟ ... بتون بو مسئله لری حل ایتک بالطبع ممکن ایدی.

اولدیغمز کی سیاسی عثمانلیغک ده تملرینی تشکیل ایدیوروز . فقط اعتراف ایدم که شیمدی به قدر آکلاشه مدق ، مسلمان اولقله برابر ، یکدیگر مزدن طبعی خصوصیتلره ایرلدیغمزی دوشونه مدق ؛ عادات ، عنعنات وسجایامزک برچوق نقطه لرده یکدیگرینه بکزه مدیکنی بناء علیه بزی اداره ایتک ایچون ، استعمال ایدیه جک اصوللرک دیگر ملتلر ککندن برآز فرقلیجه اوله جغنی مقدارتمزی اداره ایدنلر نظر اعتباره آلمدیلر . بو اساسلی نقطه لرده آکلاشه مدیغمز ایچون ظهور ایدن نتایج مؤسفه کوزومزک اوکنده در . فقط عرب قارداش ! سن ده برآز منصف اول . سن تورکه نظراً نسبی بر استراحته دائماً مظهر اولدک .. تورک قارداشک ؛ عصرلر دنبری راحت یوزی کورمدی . اکثر زمانلر هالالی باشلی باشنه مدافعه ایتدی ، عادتا هالالی قانیله بسلدی . شیمدی ده فقرالدم مرضنه مبتلا .. کسب قوت ایتمه سی ایچون سن ده چالیش .. مع مافیه عرب قارداش سن بر تجاوززه دوچار اولور ایسه ک اوینه تارلاسنی ، صباتی ترک ایدهرک نقصان وسائطله ، هالالی ، مشترک منافعی مدافعی ایتمکدن بران فارغ اولمایه جقدر . هر ایکیمزده ترقیه ، تجدد محتاج اولدیغمزی اعتراف ایدیوروز . بونک ایچون ده هر شی حکومتدن بکله ملی یز . هر ایکی قومک ، ودیگر عناصر اسلامیه نك منور طبقه سی ، اوله دینیزی خرافه لردن تخلیص ایدیه بیه جک بر مسلمان جمعیتک تشککنه تشبث ایللیدرلر . بو جمعیت ، حقیقی دینی میداننه چیقاریر ، علم حال کتابلری نشر ایدر ، وعظلمر ، مصاحبه لر ترتیب ایلر ، والحاصل خلقی تنویر وارشاد ایلر . دیگر طرفدن عربلر ، تورکلر .. کندی ملتیرینه ، کندی خصوصیتلرینه عائد اولان مسائلی حل ایتک ایچون آریجه جمعیتلر قورارلر . لسانلرینی اصلاح ایدرلر . اقوام اسلامیه نك یکدیگرلریله قولایقله آکلاشابیللمه سی ایچون عربجه وتورکجه نك انتشارینی تسهیل ایلکله برابر مؤسسات ملیه اقتصادیه نك تشککنه ده سعی ایدرلر .

بو وسائطله سؤ تفهملرک بر قسمی ازاله ایدلش اولور . مع مافیه تورکلر ، عربلرده دیگر اقوام کی بر طاقم منافع خصوصیه مالک اولدقلری ایچون بعض اختلافاتک ظهور ایده بیللمه سی محتلمدر . فقط اختلافاتی عصیت ملیه ایله دکل ، عدالتله ، حقله ، حسن نیتله ، طرفیندن ایدیه جک فداکارلقلره حل ایتکله چالشملی یز . اختلافاتی آرا مزده دوستانه بر صورتده حل ایتدیکمز تقدیرده بسبتون یابانجی اوجنجی بر قومک تابعیتی دکل ، اسارتی آلتنه کیرمک تهلمکله لرینه معروض قالیرز . »

ایشته بر جامعه سیاسی حالنده یاشایان عناصر اسلامیه بی حسیات مشترکدن استعنه ایدهرک منافع مشترک مادیه اطرافنده طویلاته بیلیرز . یوقسه (دین وملت بردر) سوزینی اساسات دینیه صره سنه ادخال ایدوب ملتیری قالدیرمغه تشبث ایتک عبتله اشتغالدر .

اساساً یوقاریدن بری بیان ایتدیکمز شرائط تحتنده ملتیرک تکاملی اسلامیت ایچون بر تهلمک دکل ، آری آری برر استناد کا هدر .

عصر حاضرده ملتیرک ترقیلرینی تسریع ایدن عامللردن اک مهمنی حس ملی تشکیل ایدیور . ترقی ، مدنیتده علوم وفنون وادیسنده کی رقابت قومیه لرک بر نتیجه سیدر . فی الواقع ملیت مسئله لرینی ترک ایدوب قارداش قارداش یاشادقلری ، بویالانجی دنیانک متاعنه اهمیت ویرمیوب درویشلری تقلید ایتدکلیر تقدیرده یقین ویاخود اوزون بر استقبالك برچوق سعادتلرینه نائل اوله جقلرینی مسلمان قوملره تبشیر ایدنلر حالا موجود ایسه ده بو مؤرده جیلر اختلافاتی منع ایدمه مدکلری کی منسوب اولدقلری ملتیرک وطولایسییه اسلام غلنک اسارتی ده تسهیل ایله یورلر . اقوام ، اسکیدنبری ، بوکونک ، کوز اوکنده بولونان بناء علیه اله کچمه سی سهیل اولان طاووغنی یارینک هندیسنه ترجیح ایده کشلردر . بو خصوصده کی قوری وعدلر هیچ بر ایشه یارامور . بوملاحظاتی عمومیلشدیره رک سیاسی عثمانلیغده

تشمیل ایتک قابلدرد . فی الحقیقه اقوام اسلامیه نك ترقی و تعالیسی عثمانلی وطنی ایچون بویوک استفاده لر تأمین ایدرد . یالکیز عثمانلیغنی ترکیب ایدن خرستیان عنصرلرک کافه سنه بلاقید و شرط امنیت ایتک بر آز فضله جه صافدللک اولور . نته کیم استانبولده و بطریق افندیلردن برینک پارس غزته جیلردن برینه وقوع بولان بیاناتی عمومیتله عناصر اسلامیه بی و خصوصیه منفعتلرینی عثمانلیلک بقاسنده آرایان دیگر عنصرلری دوشوندیره جک بر ماهیتهدرد .

بناءً علیه عثمانلی حکومتده مسلمان عناصرک بر نوع وکیلی اولان تورک اداره مأمورلرینک بعض خرستیان عناصره امنیت ایدوب صمیمی بر صورتده حسب حال ایدمه ملرینی غایت طبیعی بولمیدرد . مع مافیه بعض عنصرلره قونوشمق ، منافع مشترکه اساسی اوزرنده آکلاشمق قابلدردن ظندهیم . اجتماعی عثمانلیلق مسئله سنی ایسه غیر قابل حل اوله رق تلقی ایدیورم . آوستریاده اسویجهرده اولدیغی کبی یالکیز منافع متقابلده اوزرینه مستند بر جامعه سیاسی بی محافظه ایتک ممکن ایسه ده مشترک بر روح ، برغایه یار آتمق ممکن دکلدرد .

لسان ، عادات و وقایع تاریخیه نك ایزلری قولای قولای سیلنمیور . بویله صنعی اولان اجتماعی هیئتلرک اوافق صدمه لردن متأثر اولورلر .

اصل موضوعمزی تشکیل ایدن عناصر اسلامیه به کلنجه : اولر تقسیم اعمال قاعده سی موجبنه کندی محیطلرنده فعالیتله کله رک منافع خصوصیه ایله ، منافع عمومی اسلامیه بی تألیف ایدرلرسه مختلف ملتلر یکدیگرینک دشمنی دکل ، شریک مساعیسی اولور . اوزمان تورکر کیزلیدن کیزلییه ، برکنه ایشلیورمش کبی دکل ، آشکار اوله رق دیگر ملتلردن استعانه ایدره رک منقرض اولمق تهلکه سنه معروض اولان عرقلرینک دردلرینه دوا آردلر و کیمسه نك قوشقولا نهمیه حق اولاماز . چونکه تورکرک قوت بولماسی مسلمان عنصرلرک مضرتی موجب اولمایوب منافع مشترکه اسلامیه نك لهته در .

اساساً صمیمی اولان بالمله عثمانلیلر تورکرک قوت بولماسی آرزو ایلیدرلر . بو فداکار عرقلک شیمدییه قدر چکدیگی وحالده چکمکده اولدیغی سفالت اجتماعیه مرتبه قصوايه واصل اولمشدر . تورک کنجلی ، عرقلرینک تحت تهلکه ده اولدیغی - بر آز کچ اولسه بیلده - مشاهده ایتدیگلدن - شیمدیلق کوچوک مقیاسده اولسون - فعالیتله باشلامشدر . تورک یوردلری ، تورک اوجاقلری ، تورک کوچلری بو فعالیتک بر ذی روح اثریدر . دیگر مسلمان قارداشلریمزده تورکرکه موازی بر صورتده حرکتله کلرلر ایسه اسلامیت و عثمانلیلق یقین بر استقبالده هر خصوصده صاعلام مدافعله مظهر اولمش اولور . یالکیز فضله غیرته کله رک تعصب علتله مبتلا اولماغه و مختلف قوملرک یکدیگرلرینه قارشی حرمت متقابلده حسلیله متحسس اولغه غیرت ایللری ده منافع عمومی اقتضاسندرد .

نیمور طاسه



مسائل سیاسی

آدالر مسئله سی

کره ارض ، تجلیات غریبه جغرافیه سنک همان کافه سنی تورکیه ده اظهار ایتش کییدر ؛ اونک ایچین سوکیلی مملکتیز یالکیز سکنه سی اعتباریله دکل ، عینی زمانده تشکلات طبیعی نقطه نظرندن ده جد آپک ایجه ایشله نمش بر موزائیکدر ؛ آنجق بوشاه اثری بزلره نصیب ایتدیگلدن دولایی رسام لایموته فریضه شکران دکل ، حق انفعالمز وار ، چونکه باشمزه بو آدالر مسئله مشکله سنی چیقارتان ده هپ اوتجلی آسانیدر .

خریطه یه باقیکر : از میر ولایتک اوکنه دیزیش برصیرا آدالر کورورسیکر ؛ ایشته بزم تشکیلات اداره مزده کی [جزائر بحر سفید ولایت جلیله سی] بونلردن هر کبدر . دست قدرتک پارچه پارچه اق ده کیزه آتدیغی بو پریشان ولایت ، تام یکر می درت جزیره آسیائیدر . بو صفتله